



Ikamva-Ukunonophela
abantwana bethu

IsiKolo seCawa sesiThathu (3)

Isihloko sesifundo: UMoya oyiNgcwele owathemnjswayo-
Isifundo sokuNyuka kukaKristu: S3: 7.3

Isikhokelo soMzali

Isikolo seCawa saseKhaya



Wamkelekile kwisifundo sesiKolo seCawaesithi “ Umoya oyiNgcwele owathenjiswa- ukuNyuka kukaKristu.

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasu ngaye (Isiqinisekiso 2). 2.4: Nceda unxibelelane notitshala wesiqinisekiso ukuba ufuna naluphina uncdo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amanqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwako uphando ukumana iinkcukacha (ezongelelekileyo).
4. Umphathi wakho webandla wesikolo seCawa notitshala balindile ukuze bakuncede.



Isifundo

Isihloko seSifundo	Umoya oyiNgcwele owathenjiswa- ukuNyuka kukaKristu
Isicatshulwa seBhayibhile	Izenzo 1: 1-11 / Yohane 14: 16-17,26 / Yohane 16: 13- 13
Injongo yesifundo	Abantwana bafunda ukuba: • Ngaphambi kokuba uYesu Krestu abuyele kuYise ezulwini, wabathembisa abafundi ukuba, uThixo uya kubathumela uMoya oyiNgcwele.

Isishwankathelo sesifundo:

- Emva kokuvuka kwaKhe, uYesu wabonakala kubafundi bakhe, kubahlobo nakwabanye.
- Kwiintsuku ezingama-40 emva kokuba umzimba wakhe uvukile, uYesu kunye nabafundi bakhe benyuka baya kwiNtaba yemiNquma apho wabafundisa okokugqibela.
- UYesu wabathembisa umoya oyiNgcwele wabaxelela ukuba mabangemki kwisixeko saseYerusalem kuba kwakuza kwenzeka into enkulu.
- Wabasikelela waza wanyuka waya ezulwini logama abafundi babekhangele phezulu bejonge ukunyuka kwaKhe.
- Babuyela eYerusalem, bahlala khona, njengoko babeyalelwe.



Sithetha ukuthini esi Sifundo kuthi namhlanye?

- UThixo uthetha nathi ngabo abo abathumileyo; umzek. ngootitshala kwakunye neenkokheli zethu.
- UThixo ulindele ukuba sithobele imiyalelo yakhe;

Kuya kufuneka ngoko, siphulaphule kwaye sithobele imiyalelo evela kubazali bethu, ootitshala neenkokheli, kanye njengoko abafundi benzayo xa babexelelwe ukuba mabahlale eYerusalem.

Okokugqibela kufuneka siqhubekeke ukuthandaza kuyo nayiphi na imeko esizifumana sikuyo ngokwendlela abafundi ababesenza ngayo xa babelinde uMoya oyiNgcwele.

Eminye imibuzo esinokuyibuza:

1. UYesu wabuyela njani ezulwini?

Impendulo: WeNyukela ezulwini

2. Kuthetha ukuthini ukunyuka?

Impendulo: Ukunyuka, ukuthatyathelwa phezulu ezulwini

3. Wayesiya phi uYesu?

Impendulo: Ezulwini, ngasekunene kukaThixo

4. Siyinto na isithembiso sikaYesu kubafundi bakhe?

Impendulo: Wabathembisa ukuba uThixo uza kubathumelela uMoya oyiNgcwele

5. Yintoni uMoya Oyingcwele?

Impendulo: UMoya oyiNgcwele yinxalenye kaThixo. UThixo uziziqu ntathu emnye: uYise, uNyana, noMoya oyiNgcwele.

6. UYesu wabaxelela ntoni abafundi bakhe ngaphambi nje kokuba anyuswe?

Impendulo: Ukuba balinde eYerusalem ukuba uMoya oyiNgcwele ubanike amandla

7. Zingaphi iintsuku awabonwa ngazo uYesu emhlabeni emva kokuvuka kwakhe?

Impendulo: Ziintsuku ezingama-40



Umthandazo katata noMama wokuthandaza ngaphambi kwesifundo:

Thixo othandekayo, enkosi ngale mini

Sikelela bonke abazali kunye nabantwana

Yanga singabuva ubukho bakho

Sikelela isifundo esiya kuba naso

Nceda usifundise indlela yokukukhonza

Kwaye sincede senze intando yakho

Ukuze sibe kufuphi kuwe

Thumela uYesu ukuba asiphuthume

Kwaye yanga singakulungela ukuhlangana naYe

Amen



Notes